

*Kulturkontoret
Lindås kommune*

LINDÅS KOMMUNE	
Klassering	
22 AUG 2018	
Ark.saksnr.	Lopenr.
Saksh.	Tilgangskode

Bergen, Eikangervåg // 18 2018

Søknad om tilskot til utgjeving av boka: **FJELDE Liv og lagnad**

Boka handlar om den nedlagde fjellgrenda Fjelde i tidlegare Hosanger, no Lindås kommune. Fjelde ligg i brattlend utmark i fjellområdet nord for Eikemo, Eikefet og Stor-Urdal i Indre Osterfjord. Før kyrkja i Vikanes kom, sokna grenda til Myking. Fjelde hadde opphavleg eit areal på over 25000 dekar. Noko av det låg i eit område som no er Masfjorden kommune.

Motivet for å laga boka er eit ønske om å få fram i ljuset ei vel 350 år gamal soge om eit samfunn som i dette avsidesliggjande fjellområdet på det meste talde rundt tretti fastbuande. På mange andre måter skil soga til Fjelde seg òg ut frå fjordnære gardar i Nordhordland. Eit tidleg særdrag var at grenda vart driven av tilflyttarar frå Voss, Eksingedalen, Modalen og andre fjellnære bygder. Ho har difor aktualitet utover det reint lokale.

Vedlegg 1 er ein fotomontasje som syner sentrale element av synsinntrykket i vår tid, og ei teikning basert på detaljrike branntakstopplysingar om bygningsmassen i 1880/-88). Av denne er det noe berre ruinar att. Vedlegg 2 er samandrag av sentrale element og ei innhaldsliste. Vedlegg 3 er eit kostnadsverslag for grafisk handsaming og trykking og ein finansieringsplan.

Det er lagt opp til å gje ut ei bok på 125-130 sider, der foto skal utgjera minst halve sidetalet. Under vegs er gjort ei rekkje intervju og studiar av ymse dokument, mellom anna ved Statsarkivet. Råmanuskriptet er så godt som ferdigskrive. Frå ulike kjelder er samla eit bra tal historiske foto og rikeleg tilfang av dagsaktuell fotodokumentasjon.

Sidan 1918 har Fjelde vore eigd av først Nordhordland Kraftlag (NK) som i år 2000 inngjekk i BKK (tidlegare Bergenshalvøens Kommunale Kraftselskap). Området er ikkje utbygt. Bokarbeidet er gjort i god forståing med BKK, som har stilt arkiv til disposisjon, og som ved eit tilskot til grunnarbeidet og anna hjelp har kome til stor nytte undervegs. Ein siktar på utgjeving før årsskiftet 2018-19.

Om bokskrivarane er å seia at Ivar Eidsheim er pensjonert elektroingeniør, tilsett først ved NK og seinare BKK. I stillinga hadde han mellom anna sentrale administrative oppgåver for eigedomen Fjelde. Vidar Lehmann er pensjonert sjukehuslege og professor i infeksjonssjukdomar, med morslekt frå Osterfjorden. Mellom anna har han utgjeve boka «Heim» med undertitelen «Ostereidet og grannelaget. Ei bygd i Nordhordland». Ingen av skrivarane er historikarar av fag. Det får stå si prøve.

På denne bakgrunn og med tilvising til vedlegga, søker vi Dykk om eit tilskot på kr 12 000

Ostereidet/Eikangervåg // 18 2018,

Vyrdsamt

Ivar H. Eidsheim
Ivar H. Eidsheim (sign.)

Vidar Lehmann
Vidar Lehmann (sign.)

Likelydande søknad vert send Hordaland fylkeskommune (om kr.12000), Lindås kommune (om kr. 12000) og Lindås sogelag (om kr.4000). Eventuell løyving kan sendast konto: 3411 38 90322, merkt Fjelde. Svar kan sendast til Vidar Lehmann

Søreidtræet 22, 5251 Søreidgrend

e-post: v-lehma@online.no, mobiltelefon 4114 0933

Vedlegg: 1 Fotomontasje jfr. ovafor

2 Samandrag og innhaldsliste

3 Finansieringsplan med kopi av tilbod frå John Grieg forlag